

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I Č A
Broj: T04 0 KT 0056660 24
Zenica, 16.10.2025.godine

OPĆINSKOM SUDU U KAKNJU
-Sudiji za predhodno saslušanje-
KAKANJ

Na osnovu člana 45. st. 2. tač. i) i člana 241. st. 1. Zakona o krivičnom postupku FBiH, podižem

O P T U Ž N I C U

Protiv,

J. F., neosuđivan,

što je,

dana 26.12.2023.godine, oko 08,30 sati, na području općine K., upravljajući pmv ..., na raskrsnici lokalnog i regionalnog puta u mjestu D., vozeći neoprezno i nedovoljno pažljivo, u uslovima velike magle na putu, pa je suprotno članu 36. stav 1. Zakona o osnovama bezbjednosti saobraćaja na putevima u BiH preduzeo radnju vozilom u saobraćaju uključujući se vozilom na regionalni put K.-B. skrećući u lijevu stranu, a da se prvo nije uvjerio da navedenu radnju može izvršiti bezbjedno po sebe i druge učesnike u saobraćaju, iako je bio svjestan da zbog ovakvog načina upravljanja svojim pmv. u datim vremenskim uvjetima velike magle može nastupiti zabranjena posljedica da drugom učesniku u prometu nanese imovinsku štetu velikih razmjera, ali je olako držao da ona neće nastupiti, te je prednjim desnim dijelom svog vozila ostvario kontakt sa prednjim desnim dijelom teretnog motornog vozila marke, vlasništvo Društva „D.“ K., kojim je upravljao Č. E. i koje se kretalo u pravcu mjesta B., nakon čega je došlo do zanošenja teretnog motornog vozila i kontakta istog sa zaštitnom ogradom mosta koju je probio i sletio sa istog pored korita obale rijeke Bosne, uslijed čega je vozač tmv. Č. E. i saputnik u istom vozilu S.E. zadobili lake tjelesne povrede, dok je na tmv. ... nastupila imovinska šteta velikih razmjera u vidu totalne štete na tmv. čija je knjigovodstvena vrijednost u tom momentu iznosila 69.000 KM, za koji je iznos oštetio vlasnika „D.“ d.o.o. K.

čime je počinio krivično djelo teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. KZ F BiH.